

祥符縣志

五

平

平

平

平

平

孝友志

唐

張士巖其事無所考舊志有姑存之

宋

張遇仁開封人四世同居

族

元

杜佑河南行省署爲三司及水馬驛提領父成病于家佑忽心驚舉體沾汗卽棄職歸父病殆遂禱神求代且嘗糞以驗疾父卒廬墓盡哀有馴兔之瑞人以爲孝感云

陳善事親以篤孝稱復其家

明

丘鐸字文振祥符人師事劉基至正末避地西明
及江南皆歸職方弟鈞爲會稽巡檢奉母同之
官未幾母病鐸晝夜泣禱乞以身代母殯哀慟
幾絕卜葬於鳴鳳山下結廬墓側朝夕悲哭其
地多虎聞鐸哭聲皆避去人稱爲真孝子宋濂
傳其事

陳鑑祥符人妻死鑑不復娶父遘疾十餘年躬
執爨親調湯藥朝夕無少懈又卒哀毀骨立季

父老而無子鎰請同居侍養如父母成化十八年詔旌表

岳仲明宋鄂王七世孫祖居固始洪武初徙家於
汴仲明少立清節隱居不仕親喪廬墓九年有
司舉孝廉三召不起賜號純孝先生所著有遺
安集藏於家

翟聚性至孝嘗割股以愈母病洪武二十年以孝
廉舉授行人毋沒廬墓哀毀踰禮終直隸臨淮
縣丞有司表揚之

朱安河字應清鎮平府鎮國將軍性至孝毋賈夫

人病刲股以進復嘗溷以驗差否及卒哀毀骨
立疏食終三年迨父病一如所以待母父病差
有烏數千翎於庭人以爲孝感所致事聞上遣
中書賜璽書及卒復勅建崇孝祠以旌焉

陸清字汝清祥符人性至孝父母有疾侍榻朝夕
弗離藥餌非親嘗不進及沒廬墓終喪以過哀
瞽其右目致有白兔之瑞後以貢生任鄒平縣
儒學訓導嘉靖中旌表

劉先行少喪父母郭氏年二十九紡績養姑姑沒
齋衣瑱祭墓守節五十年郭時疾壘思食肉允

行割股以奉乃愈後患疽藥罔効奉侍益誠嘗
糞甘苦以爲欣戚有司以節孝旌其門

劉輝字文華祥符人行端學博尤精於醫與弟焯
同居六十年友愛無間有司聞其賢聘爲鄉社
師教人以存誠爲主弟子多以其學顯一時名
士爭與之游李獻吉尤重之

朱安汨字公治新會恭簡王介子受鎮國將軍封
母李氏爲恭簡王媵姬汨生七年恭簡王薨又
數年汨出府不分一錢僦屋以居迨受封則以
勤儉治生稍稍豐足日奉甘旨供李歡李病卒

哀毀瘠甚援母以子貴之例奏於朝追封李為一品夫人賜祭葬悉如制泪竟以悲哀成病歿於苦次

李鸞母疾篤藥罔効鸞割股進羹而愈巡撫李永復其家得詔旌表

吳棟父病割股肉進父病愈

王賓父德病危割左股為羹以進乃再生

龐慶父放有疾慶割股為羹得愈

張進孝父病割股

劉惟母宋氏病割股以進母食之即愈

劉光大父患眼疾光大將左膊咬肉烹之父日再

男

朱睦橫河陰府宗室母潘氏病危割股奉食隨愈

蕭文登母朱氏有疾醫治不効割股進食而愈

鄒元父及孟病傷寒服藥罔効元割股進食遂愈

張一淮母劉氏病割股進食而愈

白思父奉疾割股和羹食卽愈

朱勤燧鎮平府輔國中尉父睦持病醫者束手燧

割股治羹進父遂愈

朱朝印汝陽府宗室母病篤割股奉卽生

朱勤煇 州城府宗室父病割股疾愈

牛進忠 母病危進忠割左股肉以進病瘥

王朝 母病危朝割股奉食病愈

李斌 母卒廬墓事聞詔旌其門

史經 周府儀賓母卒廬墓三年詔旌其門

張鳳 父凱失明鳳事父能孝及父卒捐產營葬後
母朱氏故哀毀廬墓三年喪妻不娶祖讓至鳳

五世同居

鄭官 父病沒晝夜哭泣不離柩側既葬廬于墓朝

文王食包土成塚

郭廷用生員母胡氏病塌誠醫禱病愈父卒哀毀
不食及母卒合葬負土成坟守墓三年

張亮母王氏病故廬墓三年

楊儒母周氏病故廬墓三年

袁階喪母廬墓階死子尚化亦廬墓

萬年朱仙鎮保人母王氏卒廬墓三年

朱陸梁鎮平府鎮國中尉宗正安胤子母賈淑人
歿廬墓三年撫按其奏旌表

常惺字季默舉人父病試藥嘗糞及父卒廬墓三

年

蘇應坤祥符人家貧善事親有弟三人終身不異
變其幼弟親所也川未累至官當管坤叩而
請代官得其爲親故而釋之

王霖號嘯蝶祥符人性至孝居父喪有白鳥巢簷
下服闋而去人以爲孝感所致萬曆辛丑舉進
士歷官廣東道御史彈擊不避權貴人謂其移
孝作忠云

翟國器號重軒拔貢祥符人事母孝授生徒所得
束資咸以脩葺首以母命養舅氏老如養母焉
人感德之

馬瑞麒字汲伯貢士專繼母至孝有弟五人同宗
五十載

忠義

日星在天河嶽在地忠義之在人也豈有異乎祥
符當天地之中正氣所鍾捐軀瀝血者簡冊之紀
載昭然父老之傳述有在是用留其聲名以香萬
古獨是巨寇蹂躪之餘洪流蕩溺之後草野之人
身死君父泯沒而不傳者可勝道哉余言之而不
禁潸然出涕亦曰忠義之士固有幸不幸焉作忠

義志

唐

格輔元浚儀人希元之弟舉明經武后時累遷御史中丞鳳閣鸞臺同平章事會鳳閣舍人張嘉福等請立武承嗣爲皇太子輔元與文昌右相棘陽岑長倩謂皇嗣在東宮不書奏大忤諸武意來俊臣脇誣輔元與長倩謀反俱斬之子遵舉明經爲太常寺太祝仁命中牟十餘年中宗卽位遵訴父寃狀擢爲贊善大夫

任唐爲糧料使累遷史部尚書
中書門下事兼事判三司晉高祖有異志三司
財債在太原者延朗悉調取之高祖以爲深恨
及晉兵入古 朗遂遇害

任福字祐之開州人咸平中補衛士累官環慶路
副總管知慶州以破元昊功拜神龍衛四廂都
指揮使會元昊復入寇福力戰身被十餘矢有
小校劉進者勸福自免福曰吾爲大將兵敗以
死報國爾揮四面鉄簡挺身決鬪而死于懷亮

亦死之詔贈福武勝軍節度使錄其子及從子
凡六人

王珪開封人善騎射累官殿前第一押班元昊寇
鎮戎軍珪從任福連戰三日諸將皆敗福陷開
中珪復深入賊營殺數十百人所用鉄鞭杵皆
撓曲手掌盡裂在擊自若日中矢乃還卒贈金
州觀察使

劉平字士衡祥符人乾興中爲鄜延路副總管時
元昊寇延州平帥師與石元孫合兵往援與賊
大戰敵復蔽盾爲陣平擊却之奪盾沒獲

水死者十餘人平左耳素頸中流矢薄暮敵
以輕騎戰平退保西南山立柵自固三日敵兵
四出合擊絕官軍爲二遂與元孫皆被執死之
贈朔方軍節度使兼侍中謚壯武

郭遵開封人世隸軍籍遷殿前指揮使累官延州

西路都巡檢使元昊寇延州出驍將楊言當遵

遵揮鉞將破其腦復持鉞鎗進所向披靡深入

敵中敵攢兵射之中遵馬馬仆被殺贈果州團

鍊使子四仁宗皆爲賜名曰忠嗣忠紹忠裔忠

緒俱拜近侍官

孫節開封人。以才勇補右禁侍從。狄青有功，青之
討儂智高也。以節爲前鋒，遇賊于歸仁鋪。中鎗
而沒，特贈忠武軍節度留後。

郭恩開封人。累官秦隴路兵馬鈐轄。嘉祐中，夏人
入寇，卧牛峯恩與力戰，被執不屈，自殺。贈同州

觀察使

安扶開封人。燾子。靖康時爲給事中，金人寇死之。
郭侯字同升，祥符人。以父任調東海縣尉，歷遷通
判全州。權浮梁宰未行，會賊張頂已逼縣境，衆
止之。侯曰：「安逸則就艱危，則辭非吾所學。」竟至

縣約束吏卒誓以死戰賊聞之僞降既入邑
變邑官竄伏僕曰吾爲宰義不可去端坐公署
賊徒責僕大罵不絕口遂遇害詔贈承議郎
其後二人

張克戩字德祥耆之曾孫舉進士徽宗時累官知
汾州金人攻汾克戩畢力捍禦諭其民曰吾不
忍負國家辱祖父願與此城終始以明吾節衆
皆泣曰願盡死聽命雖屢却敵而援兵不至及
城陷猶率衆巷戰金人欲生致之克戩歸索朝
服南向拜訖遂自引決一家死者八人事聞詔

贈延康殿學士追諡忠愍

程迪字惠吉開封人父博古部屬延兵戰死迪以
蔭受官宣和中從楊惟中征方臘有功累遷榮
州團練使時金人入寇詔以迪提舉永興路軍
馬措置民兵及永興破迪率其徒努力與鬪憤
怒大呼口流血士皆感奮持短兵接戰數十合
身被鎗幾徧絕而復蘇猶厲聲叱戰不已遂死
之詔贈明州觀察使諡曰忠愍

呂由誠字子明諱之季子幼明爽有志畧以蔭補

嘉溫綿四州皆有治績

靖康初徙知襄陽府...
兵來攻由譙與判官...
被執不屈死之

李震汴人靖康初金人迫京師震時爲小校率部
部三百人出戰殺人馬七百餘已而被執罵不
絕口遂被害

向子韶字和卿開封人敏中之從孫舉進士累官
東京轉運使時屬郡郭奉世進萬緡羨餘戶部
請賞之以勸天下子韶奏言近臣首開聚斂之
端漸不可長士論避之高宗時出知淮寧府金

人犯城子韶親擐甲冑率諸弟誓以死守仍遣人赴宗澤求援兵未至而城陷于韶爲賊所執不屈闔門皆遇害贈通議大夫謚忠毅

趙士隆祥符人天聖中爲邠寧環慶路都監與賊大戰而死錄其子滋

張叔夜字稽仲開封人靖康初以延康殿學士知鄧州四道置帥叔夜領南道都總管金兵再至欽宗手劄趨入衛叔夜卽自將中軍其子伯奮將前軍仲熊將後軍合三萬人與賊大戰斬金環責將二人帝遣使齎蠟書以褒勳

夜被鎗猶力戰至白溝御者曰過界河矣叔夜
覺然而起仰天大痛遂卒贈開封儀同三司諡
忠文

灌字仲源祥符人武選進士累官河東河北制
置副使靖康初金師寇京師灌入援守京城
北隅拒戰二日被鎗沒于陣子薊閣門宣贊舍
人從父戰亦死之紹興中贈灌忠正軍承宣使
高貴祥符人寓居鎮江舉進士累官知高郵府扈
從之海上擢樞密使與陸秀夫同死崖山

元

陳祖仁字子山汴人好學有文名至正初舉進士
第一累官翰林學士除叅知政事朝廷之事多
所匡正及順帝北遁祖仁爲亂軍所殺

韓因字可宗汴人負氣不群盜據汝寧官軍討之
久不下會朝廷詔赦叛逆募可持詔入賊者
應命乃假以唐州判官使焉賊渠恐納詔不讀
縱因歸報因出乘馬周賊屯大言曰汝輩良民
何不早歸田里甘從逆賊驅使耶賊渠聞之追
因責其所言因極口肆詈賊怒遂被害

王... 文信祥... 人... 革除間累官刑部侍郎出爲
浙江肅政按察使聞靖難師入京慟哭會文皇
遣使召之良語其妻曰吾生平以忠義自許今
事至矣乃索火衣冠端坐自焚死妻先投池中
而死見列女志

馬振宣武備指揮祖俊父義皆死于戰正德中流
賊作亂振率衆討之至湖廣應山縣大戰而死
事聞詔建世忠坊以旌焉

李惠字德卿社符人兵部尚書鉞之子正德丁丑
進士授行人車駕將南幸惠抗疏諫止上怒杖

之卒嘉靖初贈監察御史子昇以蔭仕至姚安
知府

王正志字淑明黃縣令中達子舉萬曆戊戌進士
授陝西富平縣知縣其爲治右善鋤強邑中權
貴及大猾皆心懼不敢犯會礦稅後與中使乘
傳四出爲虐閩中中使梁永視諸省殘暴尤其
富平部中下賴子弟及富民怨家多附永煽嚇
富民奪財產榜笞熱刺發屋椎埋百姓不能保
朝夕正志捕部民從永爲奸者收治之姦民亦
陰行惡事以求中永怒正志乃具疏列永貪虐

狀永亦誣奏止志阻撓礦稅有旨逮械至京榜
之數十繫北寺獄正志取群書讀不輟著有定
性諸書繫三年卒正志性孤介家世清貧爲孝
廉時郡中有豪家坐法郡守蘄州劉公欲寬之
令持貲謁正志正不受人有過而折正所容讀
書至忠臣烈士卽泣下私心向之竟以是及禍
張綸字大經祥符人通春秋補開封府學生嗜酒
負氣好與人決不平正德間惡璫廖堂鎮河南
堂弟鵬以媚事逆瑾得錦衣衛指揮肆行殘虐
綸密疏鵬諸不法事將赴闕許奏鵬持金請綸

求解綸斥之鵬誣以他事下獄綸大罵不屈鵬
乃大校篋之裕楊立于市陷獄卒馬玉殺之死
日見夢于母曰兒爲鵬殺矣當請于帝也死三
日馬玉晝見綸立死世廟改元鵬與子鎧皆誅
都任字宏若辭符人萬曆癸丑進士由南兵部武
選司主事累遷陝西左布政使備兵榆林馭軍
撫民多善政會闖賊破長安所至風靡公膺孤
城固守之賊持僞諭來公焚而梟其人夜勒兵
入賊壘斬燬無筭賊敗去賊祖冢在任轄邑任
發之蠶蛇一蟻數斗賊大舉衆圍城陷遂遇害

狀永亦誣奏正志阻撓礦稅有旨逮械至京被
之數十繫北寺獄正志取群書誦讀不輟所著
有定性諸書繫三年卒于獄正志性孤介家世
清貧爲孝廉時郡中有豪家坐法郡守蘄州劉
公欲寬之令持貲謁正志卒不受人有過面折
亡所容人皆以嚴見憚讀書至忠臣烈士卽忼
慨泣下私心向之竟以是及禍

張綸字大經祥符人通春秋補開封府學生員嗜
酒負氣好與人決不平正德間惡璫廖堂鎮河
南堂弟鵬以媚事逆瑾得錦衣衛指揮肆行殘

虐百姓重足而立綸密疏鵬諸不法事將赴闕
言奏鵬持金詣綸求解綸斥之鵬誣以他事下
獄綸大罵不屈鵬乃大杖箠之桁揚立于市暗
獄卒馬玉殺之死之日見夢于母曰兒為鵬殺
矣當請于帝也死三日馬玉白日見綸立死世
廟改元鵬與子鎧皆論死

都任字宏若祥符人萬曆癸丑進士由南兵部武
選司主事累遷陝西左布政使備兵榆林馭軍
撫民多善政會闖賊破長安所至風靡公膺孤
城固守之賊持偽諭來公焚而梟其人夜勒兵

賊屢斬燬無筭賊敗去賊相塚在任轄邑
發之燬蛇一蟻數斗賊大舉衆圍城陷遂遇害
張堅府庠生備寇攻城矢石不能禦堅獻懸樓
以擊之晝夜站梁積瘁死

夏世英號鈔斗汴人明經任商丘學教諭聞寇
歸德城破英持刀罵賊死于明倫堂東妻石氏
遂自縊見列女志

李春貴汴人遊擊忠勇過人闖寇犯汴春單騎
在酣戰逾時賊死傷無筭右腕中矢恐爲賊執

遂別

王有根庠生鄉宦之璽子鬪寇二次攻汴根督募
勇社直入寇營中箭而殞官瘞之

梁魏都白亮承 陳宗朱俱守汴將鬪寇攻城皆

戰死

史可法字道林祥符人祖居城西狼城崗崇禎定

辰舉進士累遷總漕都御史多惠政而風紀凜

然民愛且畏明末乙酉以大學士兼兵部尚書

出鎮揚州城破死之遺有乞骸骨蓋鍾山書

者莫不流涕

以擊之晝夜站埒積瘁死

夏世英號劍斗祥符人明經任商丘學教諭闖寇
攻歸德城破英持刃罵賊死于明倫堂東妻石
氏遂自縊見列女志

李春貴汴人遊擊忠勇闖寇犯汴春單騎奮往酣
戰逾時賊死傷無算右腕中矢恐爲賊執遂刎
王有根庠生鄉宦之璽子闖寇二次攻汴根督義
勇社直入寇營中箭而殞官痊之

陳宗朱梁魏都白亮采俱汴將闖寇攻城皆戰死

阮泰字熙陽尉氏籍祥符人由開封府學貢監授
山西大同府廣靈縣知縣多有政績時值甲申
闖寇之變泰衣冠向神京痛哭叩拜絕食而
卒後祀鄉賢妻朱氏隨夫同死難氏見列女志
文可法字道林祥符人祖居城西狼城崗崇禎戊
辰舉進士累遷總漕都御史多惠政而風紀凜
然民愛且畏明末乙酉以大學士兼兵部尚書
出鎮揚州城破一死之遺有乞骸骨葬鍾山書讀
者莫不流涕

楊鑣字泗水汴人官生任襄陽知府值總兵王光

恩短鑣執負義不屈遂被寤

高元美字君實祥符人功貢生歷任兗州府黃河
同知歲戊子山東李賊陷曹邑賊逼從立志不
辱罵賊而死

隱逸

易云天地閉賢人隱論其時也抑思唐堯在上頽
水箕山徜徉自樂者果何爲哉不惟其時寔惟其
志矣亦自夷門監者而外代不乏人泉石膏肓卽
其矯枉過中乎然而獨行其志起儒廉頑猶愈于

蕭終南山爲捷徑者矣作隱逸志

漢

蕭融字偉明浚儀人初事少府李膺善談辯州郡
請舉孝廉公府連辟皆不應會以黨事遭禁
錮妻亡家無資歛鄉人欲爲具棺服融不肯受
曰古之亡者棄之中野唯妻子可以行志但卽
土埋藏而已同郡田盛亦知名優游不仕並以

言終

晉

黃崇字子安五陵人初爲縣令也奉姑初到洛下不

蘇東榮及楊后廢養因游太學升堂嘆曰建
堂也將何以爲乎每覽國家赦書謀反大逆皆
殺惟殺祖父母父母不赦者以爲王法所不容
也奈何公卿處議文飾禮典以至此乎人理旣
滅大亂作矣因著無化論以非之永嘉中洛城
東北步廣里中地陷有二鷲出焉其蒼者飛去
白者不能飛養聞嘆曰昔周所盟會狄泉卽此
地也今有二鷲蒼者胡象白者國家之象其可
盡言乎顧謂謝鯤阮孚曰易稱知幾其神君等
可深藏矣乃與妻荷擔入蜀莫知所終

南北朝

白履謙浚儀人博通經史居古大梁城時號梁丘子景雲中召爲校書郎棄官去開元中召赴京師辭病老不任職詔拜朝散大夫乞還手詔許游京師徐返里閭謙留數月乃去

明

張清字澄甫其先新都人長身玉立博涉經史而隱於賈客游大梁遂家焉慷慨重然諾與物無競人有負子錢貧不能償輒折券不復問見困窮孤獨者傾囊助之故人在謀館於大梁以金

三百寄清未幾汪死遁族公無知者請召其子
歸之金封識宛然里人益高其行卒塋大梁門
外里人呼爲張隱君墓云

張氏表字材宗其先中牟人居祥符弱冠舉於鄉
隱居不仕工古文辭以草書名天下築圃滿植
菊日對吟嘯行事率超宕有晉人風所著詩累
屋稿悉付于水中門人周亮工得之傳誦者
梓行于世

朱濂字澹軒祥符人歲進士隱居不仕性狷潔對
妻子不苟嘖笑與友人課大梁書院途遇雨衆

趨去濂行自如群號為聖人弟子日進多有貴
顯者

趙喬星字養明負性穎異弱冠入庠其憲致即
在塵囂中以歲記授生徒官保勤公昌出其門
下年逾七十猶晨夕講學不倦感稱為道隱先
生

國朝

劉承胤明世揮使三中武科累陞山東副總兵以

城守功加都督同知改物後偕弟恭將承訓種

瓜三里岡足絕跡城市蓋近古東陵也

九十一頁原缺

八十一頁 寫真 歟

上下以完國塋時松四百武后時其門閭

董德真汝儀人爲賈直言妻直言坐事貶嶺南以
妻少乃訣曰生死不可期吾去可亟嫁無須也
德真不答引繩束髮封以帛使直言署曰非君
手不解直言貶二十年乃還署帛宛然及湯沐
髮墮無餘

宋

永泰縣主太祖從孫女性孝敬勤循女誠年十四
歸元班殿直梁子才克執婦道事舅姑孝謹子
才亡時永泰年二十二哀毀幾廢請族飲奪志

永泰以節自誓終身不渝初封其康郡君元封
中加今封以褒榮之

朱氏鬪封民婦夫日與俠少飲博犯法律武昌父
毋欲奪而嫁之其夫將行一夕朱自縊死且口
及吾夫未去使知我不爲不義屈也吳充時爲
鬪封判官作何朱詩以記其事

倪氏孟志剛妻祥符人志剛家貧無子志剛病死
倪氏令匠寬其棺是夕祭其夫自縊死

等處... 寶妻沐人年二十餘有容色至正甲...

欲虜之李怒曰吾家六世義門安能從賊以辱身乎鬪門三百餘首遇害

明

王良妻 氏祥符人建文時良爲浙江肅政按察使文皇靖難師入京召良良語妻曰吾平日以忠義自許今事至矣汝意如何妻慨然曰大丈夫見義勇爲何謀及婦人公能爲忠臣我獨不能爲義婦乎良自焚而妻已先投池中矣

貞烈妃張氏祥符人爲羅山恭悼王妃宣德中王薨妃自殉事聞賜謚貞烈

時氏魏安仁妻祥符人安仁舉進士爲給事中謫
翁源縣典史卒于官時年二十三事舅姑甚謹
日以女工易甘旨母家素饒時有餽遺悉却之
日以養舅姑而累親吾不願也宣德中旌表

史氏女祥符人年十五許胥氏子未娶而死女聞
白父母往弔之至則遂服其喪及暮父母欲載
之歸女曰夫舅姑何以爲養竟終於胥氏之室
宣德中旌表

貞烈妃鞏氏祥符人周憲王妃正統初王薨妃自
經上嘉其行賜謚貞烈時夫人牛戴韓歐陳李

夫人同日死節與謚貞順附葬憲剛

左氏周簡王姬媵祥符人景泰中王薨左卽自縊于室中外莫不悲之

陳烈女祥符人年十八聘楊瑄無何瑄卒女痛哭欲行弔之父母不許女乃剪髮屬媒氏致之瑄母以定婚帖褻其髮置瑄懷中葬焉父母謀改聘女縊而死後五十二年瑄侄永康改葬瑄而求陳氏骨合焉二骨朽矣髮與定婚帖獨鮮完
葬三年有岐穀丫瓜產于墓

蔡氏內鄉王夫人祥符人王未襲爵夫人亦未受

妃封天順末王薨夫人卽自縊死事聞上嘉其節遣使以祭焉

楊氏黃士謙妻年二十士謙卒自縊死

劉氏燕從義妻夫卒守節事聞旌表

楊氏黃大妻夫病篤語楊曰汝年少善事後人楊泣曰旣爲汝妻安得再嫁黃卒楊亦自縊

丁氏周懿王媵姬得幸於王生子同鏘王薨于有身六月丁抱孤於懷拊膺大慟曰吾以一死報王天若憫予惟孺子是殺遂自縊於西宮後子

同鏘封新會郡王

高氏夏永昌妻祥竹人娶三月而永昌死高欲提
之家人防之甚嚴明日至主前焚香竊視曰永
昌俟我其母知之泣謂之曰汝今十九年耳奈
何輕死高氏曰嗟母謂百年永耶然均死耳竟
自縊死

劉氏耿英妻夫卒守節弘治末旌表

劉氏魏相妻相死劉卽欲殉祖姑王乃與同寢奠
之達旦給其祖姑曰我渴甚祖姑往取水遂自
縊時年二十一

王氏孫林妻林死王潛詣園樹自縊死

張氏田孝子妻祥符人孝子名銳嘗割股療母病
母死廬墓三年於是稱田孝子云孝子有甥宿
舅肆中而夜殺其隣肆客盜其財因逮孝子獄
云何孝子死出其尸墻爲之崩張氏哭曰我與
銳夫婦二十年矣彼能爲孝子我獨不能爲節
婦耶遂自縊

張氏李傑妻祥符人年十八歸傑踰年而夫病且
死握其手訣曰我死汝必更適善侍後人妻泣
矢之曰君死妾死不願更也傑死張氏謂祥人

曰棺夫之夫性喜寬大也其父母曰棺第狹之

笏大梓人爲狹其棺張氏哭毀其棺曰不大不棺也棺成自縊而死遂同棺而葬

張氏柳金妻祥符人居通許年三十而金死自誓不更嫁同邑有谷姓者謀娶之金兄玉利其產許之詐稱張母病召歸至途中乃覺卽裂其衣欲縊而衛者甚嚴張旣至谷欲犯之張唾其面曰我家雖微豈從汝爲狗彘之行哉谷慙鞭之數百竟不從至旦而死

呂氏楊能妻祥符人夫卒守節嘉靖十七年旌表張氏陸淡妻年二十四淡死無子張守節不二以

姪繼夫之後撫育甚悉孀居四十五年嘉靖二
十四年事聞詔旌表

周氏王茂才妻祥符人夫卒自縊嘉靖二十五年
旌表

馬氏蔡銓妻祥符人銓舉進士仕爲行人而卒銓
素廉介家貧甚馬時年三十有一乃治女紅以
爲食誓不易志後侄珮迎養於家守節五十餘
年卒嘉靖初旌表

鄭氏黃思妻夫卒守節嘉靖二十五年旌表
尚氏鍾秩妻秩死尚年十九自誓守節終身

劉氏汝寧端恪王宮人祥符人嘉靖開王病劉
神祈以身代及王薨劉具素衣哭告於王自縊
死事聞旌表

楚氏鎮平府奉國中尉朝咭女人祥符人生之夕
其母夢烈日中雨雪比長從其兄受孝經論語
選配朝咭受封安人咭疾革安人以死自誓乃
以簪珥綺衣進其姑其他盡頒諸侍人咭氣未
絕安人先自縊死

川氏張明德妻夫卒姑年六十有六三子俱幼田
績紡奉姑撫孤成立守節四十餘年子禔登甲

辰遙主以子貴封太安人事聞旌表

張氏千戶田浩妻浩病故守節五十九年奉例旌表

路氏汝陽王府鎮國中尉睦棹妻封恭人中尉卒守節五十九年兩院奏准旌表

劉氏張鶴妻年二十五鶴卒子守中甫三歲苦節撫孤孀居五十餘年事聞旌表

王氏浣相妻祥符人相故王年三十有六遺孤方四月紡績教子守節五十餘年事聞旌表

孟氏生員司和謨妻謨病故孟卽不食後夫十一

日而卒事聞旌表

王氏史泰妻姑任氏病王刲股以進姑病尋愈

史氏何鳴朝妻祥符人良醫史仕女歸鳴朝三年
舉一子獻圖鳴朝尋卒史氏年十九家貧甚翁
姑具在史氏秉節撫孤紡績以供翁姑養四十
餘年如一日事聞旌表以獻圖貴贈太宜人

丁氏宋氏臨安府知府牛可麟妾可麟卒丁宋俱
不食死

何氏富平縣知縣王正志妾祥符人正志與惡瑄
執奏逮死詔獄何氏聞訃自縊死

一 朱氏鎮平府鎮國中尉睦菓女年十六嫁祥符縣
民李從謙夫亡年方二十有一男僅周歲欲死
以殉嬖母勸解以親老子幼朱勉存守節五十
餘年御史楊具題旌表

關氏表永嘉妻夫卒關不食至二十四日死

陳氏田文見妻田卒陳年十九不食九日死

王氏李士魁妻夫故自縊死

朱氏生員傅士選妻士選卒朱後五日縊死

趙氏高維嵩妻高故趙不食十二日卒

劉氏李恣妻恣故劉氏年二十守節五十餘年

按旌表

張氏方繼典妻年二十繼典故無嗣立族子世選
爲嗣守節二十餘年卒

李氏吳道立妻道立卒李守節四十餘年壽七十
卒提學副使衷貞吉旌之

王氏汝陽府奉國將軍睦櫛淑人櫛卒王守節四
十餘年

錢氏李知妻知卒錢守節五十餘年有司旌其門
鄭氏御史鄭封女朱光普妻從父宦京師值甲申
變抱未週歲女投御河死氏孀朱氏封弟達妻

也抱幼子追之亦投河死人傳爲双節

張氏朱道行妻年二十夫逝撫幼子脩嘗諸苦住
汴東北角橋嘗戴笠夏耘會劉扁子亂被執欲
辱之罵賊遇害

劉氏鄉宦劉不息女邑庠生張名世妻夫亡年十
九撫一女守節終身

范氏邑庠生范一鶚女適朱姓逸其名適未一載
朱死氏年十八屢投縋家人解之後朱殞出氏
以頭叩棺氣絕同穴葬之聞者莫不悲悼

焦氏童生劉爾馥妻寇圍汴入夫緇城採草食中

矢死氏聞迷自殺

董氏娶天才妻壬午河決入汴夫婦乘筏北渡至

仁和門遇賊船執夫婦登城欲污氏給之曰幸

逐夫去賊逐之氏見夫去隨投城下水死

李氏祥符人醫官吳鶴鳴妻生而端莊言笑不苟

事姑惟謹夫逝氏年三十撫三子成人皆孝壽

八十八終有司扁其門曰永矢栢舟

武夏世英妻從夫任歸德府學博遇元寇破城

日盡死

李氏廩貢劉夢丙妻事公姑以孝聞年二十一夫

亡守節九熊教子昌成進士官至官保前書勅
建坊旌表

秦氏劉從弼妻夫歿氏年二十二守志自誓隨侍
祖姑楊氏孀姑王氏三孀同居時翁老子幼克
全孝道撫子成立苦節四十一年年六十三歲
崇禎年有旨建坊旌表

自朝

郭氏許國朝妻二十九歲夫故氏不願生欲投繯
家人阻之守節四十餘年撫四子成立一子康

崇禎年七十云

先死氏聞遂自縊

蘇氏深天才妻壬午河決入汴夫婦乘筏北渡至
仁和門遇賊船執夫婦登城欲污氏給之曰幸
逐夫去賊逐之氏見夫去隨投城下水死

李氏祥符人醫官吳鶴鳴妻生事姑惟謹夫逝氏
年三十撫三子成人皆孝壽八十八終有司扁
石氏夏世英妻從夫任歸德府學博遇流寇破城
自縊死

趙氏廩貢劉夢丙妻事公姑以孝聞年二十五夫
亾守節九熊教子昌成進士官至官保尚書勅

建坊旌表

秦氏劉從弼妻夫歿氏年二十二守志自誓隨侍
祖姑楊氏孀姑王氏三孀同居時翁耄子幼克
全孝道撫子成立苦節四十一年年六十三歲
崇禎年有旨建坊旌表

朱氏祥符人廣靈知縣阮泰妻與夫同死甲申難

國朝

郭氏許國朝妻二十九歲夫故氏不願生欲投繯
家人阻之守節四十餘年撫四子成立一子康

備弟子員年七十

八人張禕升妻升扶病八戊子聞及發榜捷
音至逾時氣絕王時隨禕升父任陝聞訃遂投
衙內井死水香三日啖無味會 題其事

趙氏邑庠生趙文世女劉芳美妻年二十九歲夫
死誓守節家人以無子故勸之終不聽也紡績
以事翁姑人傳廿八貞孝

劉氏李吐花妻庠生李仁品母年十九而寡子三
歲不食者七日誓以死殉翁姑力勸之復食事
翁姑死塋盡禮苦節五十餘年鄉里公舉府縣
旌其門

康氏祥符人

商盡其孝愛切

過已子嘗

聖稱賢婦

張氏表翰林禧如孺人甲申之變扶如抱子避兵

遇寇驅逼不從項受刑刃氣垂絕禧如夜覓救

避創經年而始合今之斃痕猶纍纍環頸也始終

無恙子已入庠人服其苦烈

王氏祥符人號有寧妻姚維旺母幼奉公姑孝行

重於閭里及經流離守節弗渝各道本縣扁獎

孫氏上孝婦也幼寡盡孝如不續其子也

八歲孀居守節今至八旬教子王再興登

進士當道扁其

敬妻敬死守節終身教子秉正為弟子員

屢旌其門

陳氏趙文舉妻夫死自縊縣扁其門曰誓死從夫

薛氏邑庠學生高日厚妻明經猷豐薛公女年二

十一歲夫故守節事翁姑孝撫幼子艱辛備嘗

始終如一

李氏茂才劉奎妻夫故氏年二十八歲守節侍

姑張氏甚謹以節孝名

烏氏李世科妻年二十七歲夫死守節終身

薛氏邑庠生員劉逢源妻年十九源死氏誓志守節歷二十年如一日

朱氏郝聖瀨妻祥符人生子階甫六歲而聖禎病歿苦節自勵姑病割股和糜進之闖寇決水灌城氏扶姑携幼子登郡城樓得免寄居封丘之牛場村姑歿殯葬成禮後復還葬祖塋皆節婦力也嗣其孫良彩補入弟子員守節四十四年

事 閏

卷之十一 一百又三

遊寓

邑故大梁墟也魏瑩招賢子輿氏嘗稅駕焉其後
爲東京又爲五代趙宋定鼎地至今猶儼然一大
都會矣四方名人碩士或宦遊茲土而因以家或
定交上國而不忍去邑多長者跡是亦與有榮施
也地以人重豈盡在生長于斯者哉作遊寓志

周

孟軻鄒人受業于思之門人道既通游事齊宣王
宣王不能用梁惠王三十五年王卑禮厚幣以
招賢者軻至梁王曰寡人不佞兵三折於外以
羞先君宗廟甚醜之叟不遠千里辱敝邑之廷
將何以利吾國軻曰君不可以言利上下爭利
則國危亦有仁義而已矣何以利爲

淳于髡齊人滑稽多辨梁惠王三十五年至梁王
與語三日夜欲待以卿相之位因謝去

漢

鄒陽齊人學吳吳王濞有異謀陽上書諫不聽適

梁從孝王游介於牟勝公孫詭之間勝等嫉陽
惡之孝王下陽獄陽客游以讒見繫恐死而負
累乃從獄中上書孝王出之以辭賦鳴于梁爲
上客

枚乘字叔淮陰人爲吳王濞郎中吳王有邪謀乘
諫不納去之梁從孝王游景帝召拜弘農都尉
乘不樂郡吏以病去復游梁孝王薨歸淮陰乘
子臯事梁共王遇讒詣關自請武帝帝得之大
喜詔使賦平樂館善之拜爲辭

司馬相如字長卿蜀成都人好著書學擊劍以貴

為國事孝貞

孝王命與鄒陽枚乘

子虛賦孝王卒復歸

唐

高適字達夫渤海人舉有道科授封丘尉累遷至

諫議大夫五十三歲始學詩詩即工與李白杜

甫登眺吹簫賦古大梁新造身飲臺有三賢祠

宋

賈昌齡字延年其先鎮脩人以仕遷開封祖琰樞

密直學士賈昌齡善左丞文於仕終殿學士

卷之五

孤師事翰林李宗諤發還遺書爲浮梁尉俗有服
毒草相鬪死而誣告者齡立靈其寃累遷職方
員外知衛州往刺衛州者相繼死或謂昌齡改
署則吉昌齡曰死生天乎人何能爲之任竟無
恙拜太常卿直昭文館鎮南海卒於官

馮元字道宗始平人三世事嶺南爲日官隨劉鋹
歸宋因家開封舉進士累官國子直講真宗召
講周易泰卦元推君臣交感之義上大悅仕終
戶部侍郎卒贈尚書諡章靖

王旦字子明大名人使禘太平興國初知開封府

因家於汴且舉進士官至右僕射遷至太尉
下稱爲賢相卒謚文正

錢惟演字希聖杭州人父吳越王俶歸宋賜第開
封因家焉惟演有俊才累官兵部尚書樞密使
改崇信軍節度使卒於官贈侍中謚文僖從弟
晃進士及第累官右諫議大夫易累官翰林院
學士

劉安世字器之魏人初舉進士不就選從學于司
馬君實已而調洛州司法累遷樞密都承旨數
有論諫章惇惡之屢貶新州別駕安置英州同

文館獄起蔡京乞誅安世纔雖不行猶徙梅州
惇等又使人將要殺之其人斃得免及京相連
七謫至峽州羈管稍復承議郎卜居宋都卒塋
祥符後金人發其塚貌如生相驚曰異人也爲
之蓋棺乃去

元

李鐸字振文其先廣平人徙居大梁始以吏才累
官至南康路總管所至有能聲卒塋開封縣章
田村

羊仁廬州廬江人至正初北兵南下仁家爲所掠

父被殺母及兄弟皆散去仁七歲鬻爲汴人李
子安奴力作二十餘年子安憐之縱爲良民蹤
迹得毋於潁州兄于睢州弟于鄆鄆皆爲役
無恙乃獨懇親故貸鈔百錠歷詣諸所求贖之
經營百計更六十年乃得遂大小二十餘口復
聚居爲良孝友甚篤鄉里嗟之大德二十年旌
其家

明

薛瑄字德溫山西河津人父貞永樂中除鄆陵教
諭瑄隨父任遂補弟子員舉庚子河南鄉試第

一明年登進士授監察御史手錄性理大全潛
心誦讀深有所得著讀書錄正統初轉山東提
學僉事遷大理少卿以平獄忤王振免歸已巳
起爲大理寺丞尋陞南京大理卿天順改元召
爲禮部右侍郎兼翰林院學士入內閣知制誥
復遷左侍郎時石亨等亂政瑄乃乞休歸卒贈
禮部尚書謚文清隆慶中詔從祀孔子廟

曹燁字石帆徽州人從父商於汴幼穎悟未冠能
屬文覽典籍悉如故年十八補郡弟子員弱冠
登賢書越四載成進士以部曹典蜀試崇寧

道凡遠山長流古楓斷碑咸點綴成章載所梓
星軺書中典麗可法所取七十人多知名士

畢今梁西洋人有異術兼通曆教崇禎初至祥符
薦紳先生多從之游上官扁其門曰西園鴻儒
國朝

胡士梅字爾誦遠之金州人初令祥符繼任興屯
道多德政後備兵洮岷丁艱寓汴築葵園日坐
吟嘯著有屯餘篇梓于世士人多從之游

盛治字霖襄江南揚州人已丑進士任河南管河
道以疾退家于汴喜以文誨人十多有進而受

業者

方伎

方伎小道致遠者奚取乎然而一藝不成亦君子所耻也吾汴素號名區醫卜之奇書繪之工或可以濟當時或可以貽後世蓋往往而有焉進而敢之豈僅作牛溲馬渤觀哉作方技志

唐

韓幹察人善寫馬及山水人物鳥獸王維見之賞
繼遂薦獎官至大府寺丞好古家尚收藏其為

五代

趙修已浚儀人少精天文推步之學晉天福中滑
州節制李守貞表爲司戶叅將留門下每送守
貞出征占候軍事多中及守貞鎮蒲津陰懷異
志修已諭以禍福不聽遂辭疾歸明年守貞果
叛而修已不與其難周世祖鎮鄴奏叅軍謀會
隱帝誅楊邠等將害世祖修已知天命所在勸
世祖南渡自許世祖然之及卽位改鴻臚卿遷
天司監

宋

楚衍開封人少通四聲字母又於九章緝古綴術

海島諸筭經尤得其妙明相法及聿斯經善推
步陰陽星曆之數聞語休咎無不中仕至天司
監有女亦善筭術

許希開封人以醫爲業補翰林醫學景祐元年仁
宗不豫衆醫莫能治翼國太長公主薦希希診
曰鍼心下包絡之間可亟愈左右爭以爲不可
諸黃門所以身試試之無所害遂以鍼進而帝
愈命爲翰林醫官賜賚甚厚官至殿中省尚藥

奉御

王說字晉卿尚英宗女蜀國公主爲利州防禦使

其在... 而其... 詩音... 與寒...
角平居攘去膏梁黜遠聲色而從事於書畫後
寶繪堂於私第之東以蓄其所有東坡爲之記
東軒亦贈詩云錦囊犀軸堆象床又年連幅翻
雲光手披橫素風飛揚卷舒終日未用忙游意
淡泊心清涼屬目俊麗神激昂其所畫山水學
李成皴法以金礫爲之似古今觀音寶陀山狀
小景亦墨作平遠皆李成法也故東坡謂晉卿
得破墨三昧有烟江疊嶂圖房相宿因圖及山
陰陳迹雪溪乘興四明狂客西塞風雨圖著色

山水等圖傳于世

楊澤字潤夫祥符人始以明經進士業善文詞金季科舉廢隱於野潛心醫術後仕元辭職年七十六而卒追贈榮祿大夫司徒柱國梁公謚曰懿

楊元直字大方澤之仲子繼父醫業以著書歷仕世祖成英泰定數朝官至明文館大學士兼大醫院事掌醫卿卒贈光祿大夫河南北行中書省平章柱國追封梁國公謚忠穆

溥字大淵其先會稽人國初徙居汴中溥穎敏
嗜學及長患羸疾自度弗起遇南郡高子明療
之而愈溥遂從之受脉書及諸秘方且錄且讀
三年盡其術療病無弗愈於是四方迎謁者絡
繹不絕人有贈貽粟帛之外寶玩奇貨悉謝弗
受宣德中以耆宿詔給冠帶年八十七而卒

李信字用誠祥符人其先世業小兒醫趙宋時有
醫皇子脛瘍者予之官不受賜以金鐘懸諸門
故號金鐘李氏信坦易誠懇有迎之者無遠近
風雨暝晦皆身親歷之一視則生死立決當天

順成化間名動諸郡太守括蒼金文雅重之嘗
賦安幼堂詩以贈子敬亦精其業

史仕字若顯周府良醫正九世祖全業幼科醫居
終中本業初任周府良醫因徙汴自全到仕凡
十代皆以醫顯名仕精於素問難經諸書治病
垂察虛實依病制方無弗取驗德清蔡中丞撫
豫南時子方二歲病痺發熱諸醫皆用苓連熱
愈甚或薦仕任仕疹脈法應補蔡初難之仕力
至其方陰用附子佐參芪一服卽安寢思食然
然太半不數舉而愈蔡神其術携至京提贊爲

張周府良醫正其他療病全活者不能具悉壽
至八十七乃終

張路祥符人號平山以號行於世少聰慧見吳道
子戴文進所畫人物山水最鍾愛之時加臨摹
奇其神筆法蒼勁以畫成名入貲爲太學生而
不喜衣冠任質自放縉紳先生皆樂與之游路
雖以畫名天下而恬退無所營終路之世門巷
蕭然

張似山平山裔也性嗜畫類乃祖風繪山水里人
尤珍之

卷之五
張紀山圖花卉羽虫重於世人相傳日前有平山
後有紀山教子士儁魁於鄉爲汴名碩

鄭鑑字尚宜業醫療病多神異問竒探秘年逾七
著述不輟有續醫說醫書百册杏花春曉堂方
方法考諸書行於世子名河號星源亦以國手
名嵩渚獻吉川甫中川諸先生悉傳贊之

鄭耀號繼源業儒性敦孝友少讀書盈屋酣黃魯
直筆意晚嫻聲律以父河遺教工於醫術盛梁
宋間教子封成進士爲御史

李可全精醫能研紫書不計利全活甚多號神醫

艾應奎字文所祥符人爲周府良醫精脈理製方
不膠前人療病多奇中群醫咸則之

左禎字青岱其先臨清人居祥符善繪畫圖山水
尤工亦能詩所著有布衣艸當道大人咸重之
年未強卒聞者咸悲悼

仙釋

二氏或世久矣學孔孟者闢焉至欲並其名而黜
之則亦有弗能者明太祖有云其佛仙之靈暗助
王綱出世之學亦入世者所不廢也祥邑雖無名

山幽澗足以棲寄真人然而大乘法門上昇異品
亦有接踵而起者矣是安可以泯沒哉作仙釋志

宋

張拱汴人舉進士不第賣藥宜春門忽有道士抵
其肆授以枣七枚食之自是踰二年瘦矢俱絕
神氣明爽日可行數百里後遊名山不知所終
郭上竈不知何許人天禧中以庸淪湯滌器汴州
橋茶肆中一日遇呂岩隨去天聖末如磁州謁
趙長官曰大教垂盡願施一小棺乞於棺首空
一穴插通節竹於穴中以通氣明日汲水浣身

臥槐下遂絕趙異之依其言墓于河岸是秋水漲趙往視之獲棺無尸

張九哥慶曆中居汴京雖盛冬單衣流汗浹面燕王竒之嘗召見與之酒歲餘見王曰將遠游故來別有小技欲以說王乃索黃羅疊剪爲蜂蝶狀隨剪飛去莫知其數少頃呼之蜂蝶皆來復爲羅王曰吾壽幾何曰與開寶寺浮圖齊後晉圖災王亦薨

侯先生不知何許人慶曆間賣藥京師年四十餘無鬢眉瘤贅隱起徧肌體常半醉恒與丐者同

卷之三
百三
處有馬元者盛夏隨之出閭闔門浴池中元因
就視乃一蝦蟆元遽引退浴出着衣元乃前揖
之侯笑曰子適見我乎乃召元飲酒肆中出藥
一粒曰服之令子壽百歲此後不復見

文通慧姓張氏名文汴人脫俗白雲寺師令掌廩
盥盆有市鮮者沃於盆文偶擊之仆地死文懼
奔華州總持寺久之爲長老忽曰二十年前一
段公案今日當了衆問其故曰日午當自知之
遂趺坐以待時張浚統兵至闕一卒持弓矢至
瞠目視文將射之文笑曰老僧候久矣卒曰

見卽欲相害不知何訾文語以故卒馬曰冤冤
相報何時了劫劫相纏豈偶然不如與師俱解
釋如今立地往西天視之已立化矣文通慧卽
索筆書偈云三十三年飄蕩做了幾番模樣誰
知今日相逢却是前生魔障書畢泊然而化

劉從善別號浩然子西洛人幼明敏雅好玄學大
中祥符中師王太和於京師建隆觀五年試業
爲道士天聖初以乾元節賜紫二年六月承旨
充景靈宮侍宸三年八月降旨選精明經教勤
慎焚修之士從善首與選賜正一法服冠履劔

佩上諭以先帝忌辰令神御前咒食持誦乃編
輯三洞經偈頌以薦仙駕尋進咒食文上嘉之
賜號全素大師仍以其文頒諸宮觀而咒食之
文自從善始至和二年乙未正月仁宗不豫召
從善於大慶殿設醮奏章命執政代拜至夜伏
奏章帝忽瞑目已數刻中外驚讐而從善良久
方起曰章已達上帝有勅令聖回矣俄而帝甦
聖體遂康從善累遷右街副錄服氣鍊形益勤
後至熙寧三年七月二十八日沐浴而化年八
十有一後有客凡從從善者入蜀許寄聲其弟

于忠肅公傳云

志言亦姓許氏自壽州來居東京景德寺爲僧
休咎書紙揮翰甚疾八十字體遒勁初不可曉後
驗有具齋薦繪者即并食之臨流而吐化小鱗
群泳而去海客遇曰且沒見僧搥經而濟
客至都下志言謂客曰非我汝亦何客猶記其
貌真引舟者也後卒仁宗以真身塑像置寺中
榜曰顯化禪師

明

張三才遼東人或云寶鷄人洪武初寓汴廷慶觀

時大理卿王宇爲兒時三年過其里而異之曰
此兒他日必貴顯後果如其言天順二年羽化
於成都鶴鳴山詔封通微顯化真人

勝安號古峯俗姓周幼禮彌陀寺戒律精嚴道行
純潔嘗開講大乘諸經五十餘會修葺招提四十
十餘所永樂中移居祐國寺一時緇黃之士從
者雲集後以疾而逝停龕三日飛烟環繞闍維
之得舍利凝聚五色精如珠觀者異之

許氏子居宣平坊靈寶冢宰讚同宗也逸其名性
好飲賭身多癩晝乞於市直卧東嶽廟廊廡

夕見二鬼掃地云八仙來拜餓而仙至如
像嶽神盛饈出迎許氏子牽湘子衣湘子與書
一卷後歸家書出直入擁呼如王者像父恠之
且恐禍及用醇酒醉之以石擊死殮而塋棺出
門漸輕開視之止存做簪戴瓊帽覆白衣尸無
存矣

雲居城北五里天王寺遊僧也周定王出獵僧坐
不起王怒以鞭撻其面火出王異之歸設席差
官在請僧云少候洗而卽行頃謂官曰爲我謝
王我已赴席來矣官不信僧袖出一蒸食爲驗

官報王王視之果席中物丹在召莫知所向因

捐金廣其所居梵宇

不或王... 其... 出... 其... 出...

... 且... 且... 且... 且... 且...

... 且... 且... 且... 且... 且...

... 且... 且... 且... 且... 且...

... 且... 且... 且... 且... 且...

... 且... 且... 且... 且... 且...

... 且... 且... 且... 且... 且...

神卷之五

云人... 來... 我... 而... 而... 而...